



JAVNA USTANOVA DOM ZDRAVLJA KANTONA SARAJEVO
Centar za nastavnu i naučno-istraživačku djelatnost – Centar za NNID
Vrazova 11, 71000 Sarajevo
Tel/Fax: +387 33 292 671

SMJERNICE ZA STRUKTURU I SADRŽAJ SAŽETKA NAUČNO-ISTRAŽIVAČKOG PROJEKTA U SVRHU ODOBRAVANJA ISTRAŽIVANJA U JUDZKS

Sažetak naučno-istraživačkog projekta treba biti napisan prema preporučenim uzusima pisanja naučnih i stručnih radova i biti, od početka do kraja, u svim svojim pojedinostima potpuno jasan i precizan. Sažetak treba biti napisan na nekom od jezika naroda BiH, dužine maksimalno 6 stranica teksta napisanih fontom Times New Roman veličine 12, sa propredom 1,2.

Sažetak treba sadržati sljedeće dijelove:

- 1. Naslov rada, ime i prezime istraživača, ustanova, ime i prezime mentora**
- 2. Uvod i definicija problema** – sažeti pregled problema i dosadašnjih istraživanja (do 500 riječi)
- 3. Hipoteze, ako se postavljaju**
- 4. Ciljevi istraživanja** (do 150 riječi)
- 5. Ispitanici i metode istraživanja** (do 500 riječi)

Precizirati:

- Tip istraživanja
- Imena svih istraživača
- U kojoj organizacionoj jedinici JUDZKS, službi i ambulanti će se istraživanje provesti
- Ispitanike/materijal istraživanja (navesti planiranu veličinu uzorka; karakteristike uzorka; koji su kriteriji za uključivanje/isključivanje iz istraživanja)
- Metode istraživanja
- Navesti koja dokumentacija će se koristiti (npr. medicinska – zdravstveni kartoni pacijenata, laboratorijski podaci, protokoli, nalazi, izvještaji i dr.; nemedicinska – izvještaji, dopisi, odluke, rješenja, zapisnici i dr.) i koji tačno podaci će se uzimati – *test lista ispitanika*; predočiti sve pojedinosti o korištenim instrumentima, aparatima, priboru, kao i postupcima ispitivanja; za biološki materijal navesti u koju svrhu će se koristiti, sva njegova svojstva, fizička i hemijska, količinu, mjesto i način uzimanja, pohranjivanja i uništavanja uzoraka, opis analiza koje će se raditi i sl., kako će se osigurati zaštita povjerljivih podataka do kojih se dođe tokom istraživanja
- Kratak opis statističkih testova koji će se koristiti u statističkoj analizi varijabli
- U slučaju da je istraživanje dio većeg istraživanja, navesti sve potrebne pojedinosti cjelokupnog istraživanja: imena i matične ustanove istraživača, gdje i kada će se istraživanje provesti, metodologiju, svrhu istraživanja, šta će se dešavati sa rezultatima istraživanja

- U slučaju da se tokom istraživanja koriste testovi koji nisu standardizirani u BiH ili su tek napravljeni za pojedinačna istraživanja (npr. u psihologiji), neophodno je dati informacije o prethodnoj provjeri na manjem uzorku ispitanika – pilot istraživanju

6. Očekivani rezultati (do 150 riječi)

Ukratko navesti očekivane rezultate, kako će se postupati sa rezultatima istraživanja, te da li će rezultati biti publikovani

7. Diskusija (do 150 riječi)

Navesti da će se rezultati istraživanja uporediti sa rezultatima sličnih istraživanja i precizirati koji je doprinos naučno-istraživačkog rada

8. Etički aspekti (do 150 riječi) – U ovom poglavlju obavezno navesti:

- da li je istraživanje odobreno od Etičkog komiteta i kojeg
- tvrdnju da će istraživanje biti provedeno u skladu sa važećim zakonima i prema principima Helsinške deklaracije i dobre istraživačke prakse
- ako je pismeni pristanak ispitanika neophodan (u složenijim istraživanjima, poput opservacionih ili eksperimentalnih, u istraživanjima koja uključuju djecu, ili ako to traži Naučno vijeće JUDZKS), ovdje navesti da će dobrovoljno uključivanje u istraživanje biti potvrđeno potpisivanjem informiranog pristanka. Informirani pristanak treba pacijentu na precizan način izložiti smisao, ciljeve, postupke, očekivane rezultate, finansiranje, moguće rizike i neželjene posljedice istraživanja, dobrovoljnost sudjelovanja i mogućnost odustajanja od učestvovanja u istraživanju i ostale potrebne informacije. Za maloljetnog, odnosno poslovno nesposobnog učesnika, informirani pristanak potpisuje njegov roditelj, zakonski zastupnik ili staratelj, pri čemu se mora uzeti u obzir i mišljenje maloljetnog odnosno poslovno nesposobnog učesnika istraživanja.

9. Način finansiranja (do 150 riječi)

10. Literatura – 10 najvažnijih referenci

11. Prilozi (npr. pitanja/upitnik/instrument na nekom od jezika naroda BiH u slučaju da se vrši intervjuisanje ili anketiranje, obrazac informiranog pristanka, test lista ispitanika – *case report form - CRF*)